



777

Broj:07-07-22-16485/23
Sarajevo, 27.04.2023. godine

Na osnovu člana 70. Zakona o organizaciji organa uprave u Federaciji BiH ("Službene novine Federacije BiH", broj 35/05), člana 4. stav 1. Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo ("Službene novine Kantona Sarajevo", broj 34/22) i Zaključka Vlade Kantona Sarajevo broj:02-04-12820-44/23 od 20.04.2023. godine, Ministarstvo privrede Kantona Sarajevo objavljuje

JAVNI POZIV
za dodjelu namjenskih sredstava u oblasti šumarstva
iz Budžeta Kantona Sarajevo za 2023. godinu sa pozicije
Ministarstva privrede

Predmet Javnog poziva:

Podnošenje prijava prijedloga projekata iz oblasti šumarstva sa pratećom dokumentacijom koja će se finansirati/sufinansirati iz Budžeta Kantona Sarajevo za 2023. godinu sa pozicije Ministarstva privrede, a shodno Zaključku Vlade Kantona Sarajevo broj: 02-04-12820-44/23 od 20.04.2023.godine.

Pravo na dodjelu namjenskih sredstava:

Pravo na dodjelu namjenskih sredstava po Javnom pozivu imaju:

- Kantonalno javno preduzeće za gospodarenje državnim šumama na području Kantona Sarajevo "Sarajevo-šume" (u daljem tekstu: KJP Sarajevo-šume) i Kantonalna javna ustanova za zaštićena prirodna područja Kantona Sarajevo (u daljem tekstu: KJU za zaštićena područja)..
- privredna društva koja imaju sjedište, obavljaju djelatnost i realizuju projekte na području Kantona Sarajevo na vlastitom šumskom zemljištu.
- obrazovne institucije koje imaju sjedište, djeluju, i implementiraju projekte na području Kantona Sarajevo.
- udruženja i fondacije, registrovana u Ministarstvu pravde i uprave Kantona Sarajevo i ona koja su registrovana u skladu sa zakonom na entitetskom ili državnom nivou, a koja imaju sjedište, djeluju, rade i implementiraju projekte na području Kantona Sarajevo, a registrovani

programski ciljevi i zadaci su im na uzgoju šuma, uzgoja i zaštite divljači te zaštite i unapređenja okoliša;

- e) fizička lica vlasnici privatnih šuma i šumskog zemljišta na području Kantona Sarajevo, a koja imaju prebivalište i realizuju projekte na području Kantona Sarajevo.

Uslovi učesća:

1. KJP Sarajevo-šume, KJU za zaštićena područja i obrazovnim institucijama namjenska sredstva mogu se dodijeliti za projekte koje će realizovati u šumama i na šumskom zemljištu, a prema Programu utroška namjenskih sredstava u oblasti šumarstva iz Budžeta Kantona Sarajevo u 2023. godini broj:07-07-22-11144/23 od 18.04.2023. godine i u skladu sa članom 3. Pravilnika o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo.

KJU za zaštićena prirodna područja, obrazovne institucije i privredna društva imaju pravo na javni poziv prijaviti najviše dva projekta.

Ukupna raspoloživa sredstva su u iznosu 3.780.000,00KM

Sredstva iz ove tačke teretit će poziciju Ministarstva privrede, 615400-IAU013-042F-Kapitalni projekti iz šumarstva.

2. Udruženjima i fondacijama namjenska sredstva mogu se dodjeliti za projekte/programe koji se odnose na:

- a) čišćenje, uređenje, pošumljavanje šumskog zemljišta,
- b) očuvanje i unapređenje bioraznolikosti šumskih ekosistema,
- c) uzgoj i zaštitu divljači,
- d) izgradnju šumske i lovne infrastrukture,
- e) jačanje ekološke kulture građana.

Udruženja i fondacije imaju pravo na javni poziv prijaviti jedan projekat.

Ukupna raspoloživa sredstva su u iznosu od 50.000,00 KM

Sredstva iz ove tačke teretit će poziciju Ministarstva privrede, 6143200-IAN15-049F-Tekući transfer neprofitnim organizacijama..

3. Pravo učesća na Javnom pozivu imaju i fizička lica koja imaju prebivalište na području Kantona Sarajevo i koji će projekte realizirati na šumskom zemljištu koja su u njihovom vlasništvu i nalaze se na području Kantona Sarajevo, a koji se odnose na slijedeće:

- a) pošumljavanje šumskih goleti (nabavka sadnog materijala),
- b) popunjavanje šumskih kultura (nabavka sadnog materijala),
- c) zaštitu šuma od štetnih šumskih insekata i biljnih bolesti (nabavka opreme za zaštitu šuma od štetočina).

Fizička lica imaju pravo na Javni poziv prijaviti jedan (1) projekat.

Ukupna raspoloživa sredstva u iznosu od 5.000,00 KM

Sredstva iz ove tačke teretit će poziciju Ministarstva privrede, 6143200-042F- Tekući transfer pojedincima..



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba